

SAMOA

**TULAFONO FAATONUTONU O TEUTEUGA
O LE TULAFONO O FAALAPOTOPOTOGA
A LE MALO (FAATINOGA O GALUEGA
MA LE MAFAI ONA TALI ATU) (Nu.2) 2013**

Faatulagaina o Aiaiga

1. Igoa puupuu ma le amataga
2. Faamatalaga 3

E TUSA AI ma le fuaiupu 32(1)(a) o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** Tulafono Faatonutonu nei:

FAIA i lenei aso 11 o Iuni 2013.

sainia: (Tui Atua Tupua Tamasese Efi)
O LE AO O LE MALO

TULAFONO FAATONUTONU

1. Igoa puupuu ma le amataga-(1) E mafai ona taua nei Tulafono Faatonutonu o Tulafono Faatonutonu o Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali Atu) (Nu.2) 2013, ma e tatau ona faitauina faatasi ma avea ma vaega o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001, (ua taua mulimuli ane iinei o le ‘Tulafono Autu’).

(2) O nei Tulafono Faatonutonu e amata faamamaluina i le aso e faia ai e Le Ao o le Malo.

2. Faamatalaga 3-(1) I totonu o le Vaega A o le Faamatalaga 3 o le Tulafono Autu, i le tuanai ai o le 3.1.1, ia faaofi i ai:

“3.1.2 Mo faamoemoega o le fuaiupu 28 ma i le noatia ma le fai fuafua i le Tulafono e faamalosi ai, e mafai e le Kapeneta, i se faiga tusitusia, ona faatonuina le Ofisa Sili o Pulega o le Matagaluega o Tupe ina ia faatasi atu ma auai i fonotaga a so o se komiti faatino a se faalapotopotoga tau fefaatauaiga a le Malo, lea e le o avea ai le Ofisa Sili o Pulega ma sui auai.

3.1.3 Afai ua lē avanoa le Ofisa Sili o Pulega o le Matagaluega o Tupe, e auai i lalo o Meataitasi 3.1.2, e mafai ona ia faatagaina se tagata ofisa sinia mai le Matagaluega o Tupe ina ia faatasi atu, ma auai i lea fonotaga e avea ma ona sui.

3.1.4 O le Ofisa Sili o Pulega o le Matagaluega o Tupe po o lona sui faatagaina e leai se aia tatau e palota ai.

3.1.5 E lē faaaogāina Meataitasi 3.1.2 e oo atu i le 3.1.4 i se komiti faatino a se faalapotopotoga tau feaatauaiga a le Malo pe afai o le Ofisa Sili o Pulega o le Matagaluega o Tupe, o se sui auai.”.

(2) Mo le aiaiga o i totonu o le Vaega B o le Faamatalaga 3 o le Tulafono Autu, ia suia e faapea “O aiaiga ua taua i luga i le Vaega A e tatau ona faaaogā i Faalapotopotoga Tau Faamanuiaga a le Malo.”.

Tuuina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: O nei Tulafono Faatonutonu e amata faamamaluina i le aso e faia ai e Le Ao o le Malo.

O nei Tulafono Faatonutonu o lo o faafoeina e le Matagaluega o Tupe.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoao Faitulafono.

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**